

Airbnb je sada dostupan na dvostruko više jezika

Airbnb je najveće online tržište jedinstvenih i autentičnih smještaja i aktivnosti na svijetu, koje nudi više od 7 miliona smještaja i 40.000 aktivnosti, a pokretačka snaga svega su lokalni domaćini. Svake sekunde približno šest gostiju dođe u neki Airbnb smještaj. Ovi dolasci se dešavaju širom svijeta: 2011. godine je bilo 12 gradova s više od 1.000 Airbnb smještaja; danas skoro 1.000 gradova ima preko 1.000 Airbnb smještaja. Slično tome, u 2011. godini je samo jedan grad uspio ugostiti više od 100.000 gostiju u Airbnb smještajima, dok je u protekloj godini više od 300 gradova ugostilo preko 100.000 gostiju.

Iako se Airbnb već koristi u više od 191 zemlji i regiji širom svijeta, stalno radimo na tome da naša platforma bude dostupna što većem broju ljudi. Bio to albanski ili zulu, želimo da se svi osjećaju dobrodošlima na Airbnb-u bez obzira na to kojim jezikom govore.

Danas udvostručujemo broj jezika na kojima domaćini i gosti mogu koristiti Airbnb. Sada kada podržavamo 62 jezika širom svijeta, više od 4 milijarde ljudi može koristiti Airbnb platformu na svom maternjem jeziku¹. S ovim novim jezicima, radimo na pružanju ekonomskih prilika još većem broju domaćina i olakšavamo većem broju gostiju da dožive putovanja koja nude lokalnu perspektivu te autentično i jedinstveno iskustvo.

Ovo je 31 novi jezik koji je od sada dostupan na Airbnb-u:

1. albanski (Albanija)
2. armenski (Armenija)
3. azerski (Azerbejdžan)
4. bosanski (Bosna i Hercegovina)
5. bugarski (Bugarska)
6. tradicionalni kineski (Hong Kong)
7. engleski (Australija)
8. engleski (Kanada)
9. engleski (Ujedinjeno Kraljevstvo)
10. estonski (Estonija)
11. francuski (Kanada)
12. gruzijski (Gruzija)
13. hindi (Indija)
14. irski (Irska)
15. latvijski (Latvija)
16. litvanski (Litvanija)
17. makedonski (Sjeverna Makedonija)
18. malteški (Malta)
19. crnogorski (Crna Gora)
20. rumunski (Rumunija)
21. srpski (Srbija)

¹ Ethnologue.com, oktobar 2019. Sa 62 jezika, Airbnb je sada dostupan na maternjem jeziku za više od 4 milijarde ljudi. Ukupan broj ljudi kojima ćemo biti dostupni na maternjem jeziku, uz ova 62 jezika, iznosi 4,3 milijarde (3,3 milijarde s dosadašnjim 31 jezikom te 1 milijarda s 31 novim jezikom koji sada uvodimo).

22. slovački (Slovačka)
23. slovenski (Slovenija)
24. španski (Argentina)
25. španski (Latinska Amerika)
26. svahili (Afrika)
27. tagalog (Filipini)
28. ukrajinski (Ukrajina)
29. vijetnamski (Vijetnam)
30. xhosa (Južnoafrička Republika)
31. zulu (Južnoafrička Republika)

Domaćinima i gostima koji koriste Airbnbovu web stranicu ili aplikaciju je lako preći na novi jezik. Na računaru kliknite [ovdje](#) da odaberete jezik. Naše mobilne aplikacije koriste jezik odabran u postavkama uređaja. Da bi napravili izmjenu, korisnici mogu jednostavno ući u postavke svog uređaja i tamo podesiti jezik na neki od novih koje sada podržavamo.